

# საქართველოს პროფესიონალ ბუღალტერთა და აუდიტორთა ფედერაცია (ბაფი)

კონსოლიდირებული ფინანსური ანგარიშგება და დამოუკიდებელი

აუდიტორის დასკვნა

2025 წლის 31 დეკემბერს დასრულებული წლისათვის

ქ. თბილისი

2026

# საქართველოს პროფესიონალ ბუღალტერთა და აუდიტორთა ფედერაცია (ბაფი)

## სარჩევი

დამოუკიდებელი აუდიტორის დასკვნა .....	3
კონსოლიდირებული სრული შემოსავლის ანგარიშგება .....	6
კონსოლიდირებული ფინანსური მდგომარეობის ანგარიშგება .....	7
კონსოლიდირებული კაპიტალის ცვლილების ანგარიშგება .....	8
კონსოლიდირებული ფულადი სახსრების მოძრაობის ანგარიშგება .....	9
კონსოლიდირებული ფინანსური ანგარიშგების შენიშვნები .....	10-21
1. ზოგადი ინფორმაცია.....	10
2. კონსოლიდირებული ფინანსური ანგარიშგების მომზადების საფუძველი .....	10
3. სააღრიცხვო პოლიტიკა.....	11
4. ძირითადი დაშვებები და განუსაზღვრელობის შესაფასებლად გამოყენებული ძირითადი წყაროები.....	15
5. ამონაგები.....	15
6. სხვა შემოსავლები.....	16
7. სხვა ხარჯები.....	16
8. ძირითადი საშუალებები.....	17
9. არამატერიალური აქტივები .....	18
10. მარაგი .....	18
11. სავაჭრო და სხვა მოთხოვნები .....	18
12. ფულადი სახსრები და ფულადი სახსრების ეკვივალენტები .....	19
13. სავაჭრო და სხვა ვალდებულებები .....	19
14. საწარმოთა გაერთიანება გუდვილი .....	19
15. დაკავშირებულ მხარეთა ოპერაციები .....	20
16. საანგარიშგებო პერიოდის შემდეგი მოვლენები .....	21
17. ფინანსური ანგარიშგების დამტკიცება.....	21

## დამოუკიდებელი აუდიტორის დასკვნა

### დამოუკიდებელი აუდიტორის დასკვნა

ა(ა)იპ „საქართველოს პროფესიონალ ბუღალტერთა და აუდიტორთა ფედერაციის“ („ბაფი“) გამგეობას

### დასკვნა კონსოლიდირებული ფინანსური ანგარიშგების აუდიტზე

#### მოსაზრება

ჩავატარეთ ა(ა)იპ „საქართველოს პროფესიონალ ბუღალტერთა და აუდიტორთა ფედერაციის“ („ბაფი“) კონსოლიდირებული ფინანსური ანგარიშგების აუდიტი, რომელიც შედგება 2025 წლის 31 დეკემბრის მდგომარეობით მომზადებული კონსოლიდირებული ფინანსური მდგომარეობის ანგარიშგებისგან, აღნიშნული თარიღით დამთავრებული წლის კონსოლიდირებული სრული შემოსავლის ანგარიშგების, საკუთარი კაპიტალის ცვლილებების კონსოლიდირებული ანგარიშგებისა და ფულადი ნაკადების კონსოლიდირებული ანგარიშგებისგან, ასევე ფინანსურ ანგარიშგებაზე დართული შენიშვნებისგან, მათ შორის, ყველა მნიშვნელოვანი სააღრიცხვო პოლიტიკის მოკლე მიმოხილვისგან.

ჩვენი აზრით, თანდართული კონსოლიდირებული ფინანსური ანგარიშგება, ყველა არსებითი ასპექტის გათვალისწინებით, სამართლიანად ასახავს ა(ა)იპ „საქართველოს პროფესიონალ ბუღალტერთა და აუდიტორთა ფედერაციის“ („ბაფი“) ფინანსურ მდგომარეობას 2025 წლის 31 დეკემბრის მდგომარეობით, აგრეთვე მისი საქმიანობის ფინანსურ შედეგებსა და ფულადი სახსრების მოძრაობას იმ წლისთვის, რომელიც დასრულდა მოცემული თარიღით, მცირე და საშუალო საწარმოთა ფინანსური ანგარიშგების საერთაშორისო სტანდარტების (მსს - ფასს) შესაბამისად.

#### მოსაზრების საფუძველი

აუდიტს წარმართავდით აუდიტის საერთაშორისო სტანდარტების (ასს-ების) შესაბამისად. ამ სტანდარტებით განსაზღვრული ჩვენი პასუხისმგებლობები დეტალურად აღწერილია ჩვენი დასკვნის - „აუდიტორის პასუხისმგებლობა კონსოლიდირებულ ფინანსური ანგარიშგების აუდიტზე“ - ნაწილში. ჩვენ დამოუკიდებლები ვართ ა(ა)იპ „საქართველოს პროფესიონალ ბუღალტერთა და აუდიტორთა ფედერაციისაგან“ („ბაფი“) ბუღალტერთა ეთიკის საერთაშორისო სტანდარტების საბჭოს (ბესსს) პროფესიონალი ბუღალტრების ეთიკის კოდექსისა და იმ ეთიკური ნორმების შესაბამისად, რომლებიც ეხება ჩვენ მიერ ჩატარებულ ფინანსური ანგარიშგების აუდიტს. გარდა ამისა, შევასრულეთ ამ ნორმებით და ბესსს-ის ეთიკის კოდექსით გათვალისწინებული სხვა ეთიკური ვალდებულებებიც. გვჯერა, რომ ჩვენ მიერ მოპოვებული აუდიტორული მტკიცებულებები საკმარისი და შესაფერისია ჩვენი მოსაზრების გამოთქმისთვის აუცილებელი საფუძვლის შესაქმნელად.

### ხელმძღვანელობისა და მართვის უფლებამოსილებით აღჭურვილ პირთა პასუხისმგებლობა ფინანსური ანგარიშგებაზე

ხელმძღვანელობა პასუხისმგებელია თანდართული კონსოლიდირებული ფინანსური ანგარიშგების მომზადებასა და სამართლიან წარდგენაზე მცირე და საშუალო საწარმოთა ფინანსური ანგარიშგების საერთაშორისო სტანდარტების შესაბამისად (მსს - ფასს), ასევე შიდა კონტროლზე, რომელსაც იგი აუცილებლად მიიჩნევს ისეთი ფინანსური ანგარიშგების მოსამზადებლად, რომელიც არ შეიცავს თაღლითობით ან შეცდომით გამოწვეულ არსებით უზუსტობას.

კონსოლიდირებული ფინანსური ანგარიშგების მომზადებისას ხელმძღვანელობას ევალება, შეაფასოს ა(ა)იპ „საქართველოს პროფესიონალ ბუღალტერთა და აუდიტორთა ფედერაციის“ („ბაფი“) ფუნქციონირებადობის უნარი და, აუცილებლობის შემთხვევაში, ფინანსური ანგარიშგების შენიშვნებში განმარტოს საკითხები, რომლებიც დაკავშირებულია საწარმოს ფუნქციონირებადობასთან და ანგარიშგების საფუძვლად საწარმოს ფუნქციონირებადობის პრინციპის გამოყენებასთან, იმ შემთხვევის გარდა, როდესაც ხელმძღვანელობას განზრახული აქვს კომპანიის ლიკვიდაცია ან საქმიანობის შეწყვეტა, ან თუ არა აქვს სხვა რეალური არჩევანი, ასე რომ არ მოიქცეს.

მართვის უფლებამოსილებით აღჭურვილი პირები პასუხისმგებლები არიან ა(ა)იპ „საქართველოს პროფესიონალ ბუღალტერთა და აუდიტორთა ფედერაციის“ („ბაფი“) კონსოლიდირებული ფინანსური ანგარიშგების მომზადებისა და წარდგენის პროცესის ზედამხედველობაზე.

### **აუდიტორის პასუხისმგებლობა ფინანსური ანგარიშგების აუდიტზე**

ჩვენი მიზანია, მოვიპოვოთ დასაბუთებული რწმუნება იმის თაობაზე, მოცემული კონსოლიდირებული ფინანსური ანგარიშგება შეიცავს თუ არა თაღლითობით ან შეცდომით გამოწვეულ არსებით უზუსტობას და შევადგინოთ აუდიტორის დასკვნა, რომელიც მოიცავს ჩვენს მოსაზრებას. დასაბუთებული რწმუნება მაღალი დონის რწმუნებაა, მაგრამ არ არის იმის გარანტია, რომ ასს-ების შესაბამისად ჩატარებული აუდიტი ყოველთვის გამოავლენს ნებისმიერ არსებით უზუსტობას, რომელიც არსებობს. უზუსტობები შეიძლება გამოწვეული იყოს თაღლითობით ან შეცდომით და არსებითად მიიჩნევა იმ შემთხვევაში, თუ გონივრულ ფარგლებში, მოსალოდნელია, რომ ისინი, ცალ-ცალკე ან ერთობლივად, გავლენას მოახდენს იმ მომხმარებლების ეკონომიკურ გადაწყვეტილებებზე, რომლებიც დაეყრდნობიან მოცემულ კონსოლიდირებულ ფინანსურ ანგარიშგებას.

ასს-ების შესაბამისად აუდიტის ჩატარება ითვალისწინებს აუდიტორის მიერ პროფესიული განსჯის გამოყენებას და პროფესიული სკეპტიციზმის შენარჩუნებას აუდიტის პროცესში. გარდა ამისა, ჩვენ:

- ვადგენთ და ვაფასებთ თაღლითობით ან შეცდომით გამოწვეულ, ფინანსური ანგარიშგების არსებითი უზუსტობის რისკებს; ვგეგმავთ და ვატარებთ ამ რისკებზე რეაგირებისთვის გამიზნულ აუდიტორულ პროცედურებს და ვკრებთ ისეთ აუდიტორულ მტკიცებულებებს, რომლებიც საკმარისი და შესაფერისი იქნება ჩვენი მოსაზრების გამოთქმისთვის აუცილებელი საფუძვლის შესაქმნელად. რისკი იმისა, რომ ვერ გამოვლინდება თაღლითობით გამოწვეული არსებითი უზუსტობა უფრო მაღალია, ვიდრე რისკი იმისა, რომ ვერ გამოვლინდება შეცდომით გამოწვეული უზუსტობა, რადგან თაღლითობა შეიძლება გულისხმობდეს ფარულ შეთანხმებას, გაყალბებას, ოპერაციების განზრახ გამოტოვებას, აუდიტორისთვის წინასწარ განზრახულად არასწორი ინფორმაციის მიწოდებას ან შიდა კონტროლის იგნორირებას.
- შევისწავლით აუდიტისთვის შესაფერის შიდა კონტროლის საშუალებებს, რათა დავგეგმოთ კონკრეტული გარემოებების შესაფერისი აუდიტორული პროცედურები და არა იმ მიზნით, რომ მოსაზრება გამოვთქვათ ა(ა)იპ „საქართველოს პროფესიონალ ბუღალტერთა და აუდიტორთა ფედერაციის“ („ბაფი“) შიდა კონტროლის ეფექტიანობაზე.
- ვაფასებთ ხელმძღვანელობის მიერ გამოყენებული სააღრიცხვო პოლიტიკის მიზანშეწონილობას, ხელმძღვანელობის მიერ განსაზღვრული სააღრიცხვო შეფასებების დასაბუთებულობისა და შესაბამისი ახსნა-განმარტებების მართებულობას.
- დასკვნა გამოგვაქვს ხელმძღვანელობის მიერ ანგარიშგების საფუძვლად საწარმოს ფუნქციონირებადობის პრინციპის გამოყენების მიზანშეწონილობაზე, ხოლო მოპოვებულ აუდიტორულ მტკიცებულებებზე დაყრდნობით ვადგენთ, არსებობს თუ არა რაიმე მოვლენებთან ან პირობებთან დაკავშირებული არსებითი განუსაზღვრელობა, რაც მნიშვნელოვან ეჭვს გამოიწვევდა ა(ა)იპ „საქართველოს პროფესიონალ ბუღალტერთა და აუდიტორთა ფედერაციის“ („ბაფი“) ფუნქციონირებადობის უნართან დაკავშირებით. თუ დავასკვნით, რომ არსებობს არსებითი განუსაზღვრელობა, გვევალება ჩვენს აუდიტორის დასკვნაში ყურადღების გამახვილება ფინანსური ანგარიშგების შესაბამის შენიშვნებზე, ან, თუ ამგვარი განმარტებითი შენიშვნები ადეკვატური არ არის - ჩვენი მოსაზრების მოდიფიცირება. ჩვენი დასკვნები ეყრდნობა აუდიტორის დასკვნის თარიღამდე მოპოვებულ აუდიტორულ მტკიცებულებებს. თუმცა, ამის შემდგომი მომავალი მოვლენების ან პირობების გავლენით შეიძლება ა(ა)იპ „საქართველოს პროფესიონალ ბუღალტერთა და აუდიტორთა ფედერაცია“ („ბაფი“) უკვე აღარ იყოს ფუნქციონირებადი საწარმო.

- ვაფასებთ ფინანსური ანგარიშგების წარდგენას მთლიანობაში, მის სტრუქტურასა და შინაარსს, მათ შორის, ახსნა-განმარტებებს და ასევე, ფინანსური ანგარიშგება უზრუნველყოფს თუ არა ფინანსური ანგარიშგების საფუძვლად აღებული ოპერაციებისა და მოვლენების სამართლიან წარდგენას.

ა(ა)იპ „საქართველოს პროფესიონალ ბუღალტერთა და აუდიტორთა ფედერაციის“ („ბაფი“) ხელმძღვანელობას ინფორმაციას ვაწვდით აუდიტის დაგეგმილი მასშტაბისა და ვადების, ასევე აუდიტის პროცესში წამოჭრილი მნიშვნელოვანი საკითხების, მათ შორის, შიდა კონტროლის სისტემაში გამოვლენილი მნიშვნელოვანი ნაკლოვანებების შესახებ.

ამასთან, ხელმძღვანელობას გადავცემთ დოკუმენტს, სადაც ვადასტურებთ, რომ დავიცავით დამოუკიდებლობასთან დაკავშირებული შესაფერისი ეთიკური ნორმები და ხელმძღვანელობას ვაცნობთ ყველა ურთიერთობისა და სხვა საკითხების შესახებ, რომლებიც, გონივრულ ფარგლებში, შეიძლება მიჩნეულიყო, რომ დაკავშირებულია ჩვენს დამოუკიდებლობასთან. ასევე შესაბამისი დამცავი ზომების შესახებ აუცილებლობის შემთხვევაში.

შპს „ინტელექტაუდიტის“ სახელით (რეგ. №SARASF583489)

გარიგების პარტნიორი, აუდიტორი

ნუგზარ სურმანიძე (რეგ. SARAS-A-953075)

20 მაისი 2026 წელი

ა(ა)იპ „საქართველოს პროფესიონალ ბუღალტერთა და აუდიტორთა ფედერაცია“ („ბაფი“)  
 კონსოლიდირებული სრული შემოსავლის ანგარიშგება  
 2025 წლის 31 დეკემბერს დასრულებული წლისათვის  
 (ქართულ ლარში)

	შენიშვნები	2025 წელი	2024 წელი
ამონაგები	5	1,067,385	996,007
სხვა შემოსავლები	6	440,155	641,599
ცვლილებები მარაგის ნაშთში		31,727	(33,942)
შეძენილი ნედლეული და მასალები		(136,228)	(90,929)
დასაქმებულ პირთა გასამრჯელოები		(817,658)	(801,252)
ცვეთისა და ამორტიზაციის ხარჯი	8, 9, 14	(35,506)	(38,278)
სხვა ხარჯები	7	(464,949)	(554,368)
<b>მოგება დაბეგვრამდე</b>		<b>84,926</b>	<b>118,837</b>
საგადასახადო ხარჯი		(17,647)	-
<b>წლიური მოგება</b>		<b>67,279</b>	<b>118,837</b>
<b>სრული შემოსავლის მთლიანი თანხა</b>		<b>67,279</b>	<b>118,837</b>
სათაო საწარმოს წილი		41,459	77,694
არამაკონტროლებელი წილი		25,820	41,143

ხელმძღვანელობის სახელით:

ლავრენტი ჭუმბურიძე  
 აღმასრულებელი დირექტორი

ქეთევან აბესალაშვილი  
 მთ. ბუღალტერი

2026 წლის 20 მაისი  
 თბილისი, საქართველო

ა(ა)იპ „საქართველოს პროფესიონალ ბუღალტერთა და აუდიტორთა ფედერაცია“ („ბაფი“)  
 კონსოლიდირებული ფინანსური მდგომარეობის ანგარიშგება  
 2025 წლის 31 დეკემბერს დასრულებული წლისათვის  
 (ქართულ ლარში)

	შენიშვნები	2025 წლის 31 დეკემბერი	2024 წლის 31 დეკემბერი
<b>აქტივები</b>			
<b>გრძელვადიანი აქტივები</b>			
ძირითადი საშუალებები	8	586,045	608,788
არამატერიალური აქტივები	9	27,213	25,386
გუდვილი	14	2,840	3,408
<b>სულ გრძელვადიანი აქტივები</b>		<b>616,098</b>	<b>637,582</b>
<b>მიმდინარე აქტივები</b>			
მარაგი	10	110,910	79,183
სავაჭრო და სხვა მოთხოვნები	11	297,605	346,480
ფულადი სახსრები და ექვივალენტები	12	966,746	965,085
<b>სულ მიმდინარე აქტივები</b>		<b>1,375,261</b>	<b>1,390,748</b>
<b>სულ აქტივები</b>		<b>1,991,359</b>	<b>2,028,330</b>
<b>საკუთარი კაპიტალი და ვალდებულებები</b>			
<b>საკუთარი კაპიტალი</b>			
ბაფის განვითარების ფონდი		1,340,115	1,298,099
გაუნაწილებელი მოგება_ზარალი		118,279	118,837
არამაკონტროლებელი წილი		341,962	365,142
<b>სულ საკუთარი კაპიტალი</b>		<b>1,800,356</b>	<b>1,782,078</b>
<b>მოკლევადიანი ვალდებულებები</b>			
სავაჭრო და სხვა ვალდებულებები	13	182,051	232,096
საგადასახადო ვალდებულებები		8,952	14,156
<b>სულ მოკლევადიანი ვალდებულებები</b>		<b>191,003</b>	<b>246,252</b>
<b>სულ საკუთარი კაპიტალი და ვალდებულებები</b>		<b>1,991,359</b>	<b>2,028,330</b>

ხელმძღვანელობის სახელით:

ლავრენტი ჭუმბურიძე  
 აღმასრულებელი დირექტორი

ქეთევან აბესალაშვილი  
 მთ. ბუღალტერი

2026 წლის 20 მაისი  
 თბილისი, საქართველო

ა(ა)იპ „საქართველოს პროფესიონალ ბუღალტერთა და აუდიტორთა ფედერაცია“ („ბაფი“)  
 კონსოლიდირებული კაპიტალის ცვლილების ანგარიშგება  
 2025 წლის 31 დეკემბერს დასრულებული წლისათვის  
 (ქართულ ლარში)

	ბაფი-ს განვითარების ფონდი	არამაკონტორლებელი წილი	სულ
<b>01.01.2023 ნაშთი</b>	<b>1,339,241</b>	<b>323,999</b>	<b>1,663,240</b>
მოცემული პერიოდის წმინდა მოგება-ზარალი	77,694	41,143	118,837
<b>31.12.2024 ნაშთი</b>	<b>1,416,935</b>	<b>365,142</b>	<b>1,782,077</b>
მოცემული პერიოდის წმინდა მოგება-ზარალი	41,459	25,820	67,279
გაცემული დივიდენდი	-	(49,000)	(49,000)
<b>31.12.2025 ნაშთი</b>	<b>1,458,394</b>	<b>341,962</b>	<b>1,800,356</b>

ხელმძღვანელობის სახელით:

ლავრენტი ჭუმბურიძე  
 აღმასრულებელი დირექტორი

ქეთევან აბესალაშვილი  
 მთ. ბუღალტერი

2026 წლის 20 მაისი  
 თბილისი, საქართველო

ა(ა)იპ „საქართველოს პროფესიონალ ბუღალტერთა და აუდიტორთა ფედერაცია“ („ბაფი“)  
 კონსოლიდირებული ფულადი სახსრების მოძრაობის ანგარიშგება  
 2025 წლის 31 დეკემბერს დასრულებული წლისათვის  
 (ქართულ ლარში)

	2025 წელი	2024 წელი
<b>ფულადი სახსრების მოძრაობა საოპერაციო საქმიანობიდან</b>		
კლიენტებიდან მიღებული ფულადი სახსრები	1,148,021	1,085,933
საწევრო შენატანები	278,401	323,155
მიღებული გრანტი	-	256,759
სხვა საოპერაციო შემოსავლები	98,345	73,445
გადახდილი ხელფასები	(817,658)	(801,252)
გადახდილი გადასახადები	(170,701)	(200,157)
ადმინისტრაციულ და სხვა არასაოპერაციო ხარჯებზე გადახდები	(38,265)	(16,365)
მომწოდებლებზე გადახდილი ფული	(335,957)	(372,224)
გაცემული დივიდენდი	(49,000)	-
გადახდილი იჯარა	(82,670)	(76,110)
გადახდილი საწევრო	(13,746)	(13,440)
<b>წმინდა ფულადი სახსრები საოპერაციო საქმიანობიდან</b>	<b>16,770</b>	<b>259,739</b>
<b>ფულადი სახსრების მოძრაობა საინვესტიციო საქმიანობიდან</b>		
ძირითადი საშუალებების და არამატერიალური აქტივის შეძენა	(15,109)	(13,508)
<b>წმინდა ფულადი სახსრები საინვესტიციო საქმიანობიდან</b>	<b>(15,109)</b>	<b>(13,508)</b>
<b>ფულადი სახსრების წმინდა ზრდა</b>	<b>1,661</b>	<b>246,231</b>
<b>ფულადი სახსრები და ეკვივალენტები საანგარიშგებო პერიოდის დასაწყისისათვის</b>	<b>965,085</b>	<b>718,854</b>
<b>ფულადი სახსრები და ეკვივალენტები საანგარიშგებო პერიოდის ბოლოსათვის</b>	<b>966,746</b>	<b>965,085</b>

ხელმძღვანელობის სახელით:

ლავრენტი ჭუმბურიძე  
 აღმასრულებელი დირექტორი

ქეთევან აბესალაშვილი  
 მთ. ბუღალტერი

2026 წლის 20 მაისი  
 თბილისი, საქართველო

# ა(ა)იპ „საქართველოს პროფესიონალ ბუღალტერთა და აუდიტორთა ფედერაცია“ („ბაფი“)

## კონსოლიდირებული ახსნა განმარტებითი შენიშვნები ფინანსურ უწყისებზე

2025 წლის 31 დეკემბერს დასრულებული წლისათვის

(ქართულ ლარში)

### 1. ზოგადი ინფორმაცია

ა(ა)იპ საქართველოს პროფესიონალ ბუღალტერთა და აუდიტორთა ფედერაცია (ბაფი) საქართველოს კანონმდებლობის მიხედვით, წარმოადგენს წევრობაზე დაფუძნებულ პროფესიულ ორგანიზაციას. ბაფის იურიდიული მისამართი და საქმიანობის ძირითადი ადგილი არის საქართველო, ქ. თბილისი, წერეთლის გამზირი 61. ბაფის საქმიანობა, ძირითადად, უკავშირდება ბუღალტერთა და აუდიტორთა მომზადებას, გადამზადებას, პროფესიულ სერტიფიცირებასა და განგრძობით განათლებას. წინამდებარე ფინანსური ანგარიშგება წარმოადგენს ბაფისა და მისი შვილობილი კომპანიების შპს „პროფესიონალ ბუღალტერთა ინსტიტუტის“ და შპს „ქურნალი ბუღალტრული აღრიცხვა-ანგარიშგება“ წლიურ კონსოლიდირებულ ფინანსურ ანგარიშგებას.

შპს „პროფესიონალ ბუღალტერთა ინსტიტუტი“-ს ძირითადი საქმიანობის საგანია საგანმანათლებლო საქმიანობა, ბუღალტერთა მომზადება, გადამზადება.

შპს „ქურნალი ბუღალტრული აღრიცხვა-ანგარიშგება“ გამოსცემს ყოველთვიურ სამეცნიერო-პრაქტიკულ ჟურნალს „ბუღალტრული აღრიცხვა“

ბაფის ეკონომიკური საქმიანობა, ძირითადად, უკავშირდება ბუღალტერთა და აუდიტორთა მომზადებას, გადამზადებას, პროფესიულ სერტიფიცირებასა და განგრძობით განათლებას.

ბაფი საქმიანობას ახორციელებს სათაო ოფისისა (ქ. თბილისი წერეთლის გამზირი 61) და შემდეგი რეგიონალური და რაიონული ფილიალების მეშვეობით:

- აჭარის ავტონომიური რესპუბლიკის ფილიალი;
- იმერეთის რეგიონალური ფილიალი;
- სამეგრელო ზემო სვანეთის რეგიონალური ფილიალი;
- ახალციხის რეგიონალური ფილიალი;
- კახეთის რეგიონალური ფილიალი;
- რუსთავის რაიონული ფილიალი;
- ფოთის რაიონული ფილიალი
- გორის რაიონული ფილიალი

### 2. კონსოლიდირებული ფინანსური ანგარიშგების მომზადების საფუძველი

#### (ა) შესაბამისობის დეკლარაცია

წინამდებარე კონსოლიდირებული ფინანსური ანგარიშგება მომზადებულია ბუღალტრული აღრიცხვის საერთაშორისო სტანდარტების საბაზის მიერ გამოცემული მცირე და საშუალო საწარმოთა ფინანსური ანგარიშგების საერთაშორისო სტანდარტის შესაბამისად.

ფინანსური ანგარიშგება არის ბაფის და მის კონტროლს დაქვემდებარებული, ჯგუფში შემავალი საწარმოების კონსოლიდირებული ანგარიშგება 2025 წლის პირველი იანვრით დაწყებული და 31 დეკემბრით დასრულებული საანგარიშგებო პერიოდისათვის. ფინანსური ანგარიშგების თანხები დამრგვალებულია ერთეულამდე სიზუსტით.

ფინანსური ანგარიშგების მომზადებისას გამოყენებული მნიშვნელოვანი სააღრიცხვო პოლიტიკა მოცემულია ქვემოთ. აღნიშნული პოლიტიკა თანმიმდევრულადაა გამოყენებული ფინანსურ ანგარიშგებაში წარმოდგენილ ყველა ინფორმაციაზე, თუ ეს სხვაგვარად არ არის აღნიშნული.

#### (ბ) შეფასების საფუძველი

ფინანსური ანგარიშგება მომზადებულია პირვანდელი ღირებულების მეთოდის მიხედვით. ხელმძღვანელობას სჯერა, რომ ფუნქციონირებადი საწარმოს დაშვება შესაბამისია კომპანიისთვის.

#### (გ) ფუნქციონირებადი საწარმოს დაშვება

ხელმძღვანელობამ აღნიშნული ფინანსური ანგარიშგება მოამზადა ფუნქციონირებადი საწარმოს პრინციპის საფუძველზე. აღნიშნული გადაწყვეტილების მიღებისას ხელმძღვანელობამ მხედველობაში მიიღო კომპანიის ფინანსური მდგომარეობა, დადებითი საოპერაციო ფულადი ნაკადები, მიმდინარე გეგმები, ოპერაციების მომგებიანობა და ადგილობრივ თუ საერთაშორისო ფინანსურ რესურსებთან წვდომის შესაძლებლობა.

**ხელმძღვანელობის სახელით:**

ლავრენტი ჭუმბურიძე  
ადმინისტრაციული დირექტორი

ქეთევან აბესალაშვილი  
მთ. ბუღალტერი

2026 წლის 20 მაისი  
თბილისი, საქართველო

# ა(ა)იპ „საქართველოს პროფესიონალ ბუღალტერთა და აუდიტორთა ფედერაცია“ („ბაფი“)

## კონსოლიდირებული ახსნა განმარტებითი შენიშვნები ფინანსურ უწყისებზე

2025 წლის 31 დეკემბერს დასრულებული წლისათვის

(ქართულ ლარში)

კომპანიის ხელმძღვანელობა მიიჩნევს, რომ შესაბამისი ფინანსური რეზერვი, აგრეთვე, ბაფის ფინანსური მდგრადობის გარანტია, ასევე წმინდა აქტივების ღირებულება და ლიკვიდობის მაღალი დონე, საფრთხეს არ უქმნის კომპანიას ფუნქციონირებადობასთან დაკავშირებით ანგარიშგების პერიოდის შემდგომ მინიმუმ 12 თვის განმავლობაში.

### 2.1. კონსოლიდაციის საფუძველი

კონსოლიდირებული ფინანსურ ანგარიშგება შედგება ბაფისა და მისი შვილობილი კომპანიების შპს „პროფესიონალ ბუღალტერთა ინსტიტუტის“ და შპს ჟურნალი ბუღალტრული აღრიცხვა-ანგარიშგების ფინანსური ანგარიშგებისაგან. იგი ემყარება ფუნქციონირებადობისა და დარიცხვის მეთოდის ძირითად დაშვებებს. ფინანსურ ანგარიშგებაში ელიმინირებულია ყველანაირი შიდა ჯგუფური ოპერაცია, ნაშთი, შემოსავალი და ხარჯი.

ბაფის შვილობილი კომპანიის შესახებ ინფორმაცია:

სახელწოდება	ძირითადი საქმიანობა	რეგისტრაციის და საქმიანობის ადგილი	ფლობილი წილი/ზმის უფლების მქონე წილი (%)	
			31/12/2025	31/12/2024
1. შპს „პროფესიონალ ბუღალტერთა ინსტიტუტი“	ბუღალტერთა მომზადება, გადამზადება	საქართველო	51	51
2. შპს ჟურნალი ბუღალტრული აღრიცხვა-ანგარიშგება	პერიოდული სამეცნიერო-პრაქტიკული ჟურნალის გამოცემა	საქართველო	100	100

### 2.2. კონსოლიდირებული ფინანსური ანგარიშგების შედგენისა და შეფასებისას გამოყენებული მეთოდები

#### კონსოლიდაციის პრინციპები

კონსოლიდირებული ფინანსური ანგარიშგება ასახავს ფინანსურ ინფორმაციას ჯგუფის, როგორც ერთი მთლიანი ეკონომიკური ერთეულის შესახებ. კონსოლიდირებული ფინანსური ანგარიშგების მოსამზადებლად:

- ა) გაერთიანებულია ბაფის და მისი შვილობილი საწარმოების ფინანსური ანგარიშგება მუხლობრივად, აქტივების, ვალდებულებების, საკუთარი კაპიტალის, შემოსავლებისა და ხარჯების ანალოგიური მუხლების დაჯამებით;
- ბ) გამორიცხულია შვილობილ საწარმოში ბაფის მიერ განხორციელებული ინვესტიციის საბალანსო ღირებულება და ბაფის წილი შვილობილი საწარმოების საკუთარ კაპიტალში;
- გ) შეფასებული და ასახულია არა მაკონტროლებელი წილი, კონსოლიდირებული შვილობილი საწარმოს საანგარიშგებო პერიოდის მოგებაში ან ზარალში, ბაფის წილისგან განცალკევებით;
- დ) შეფასებული და ასახულია არა მაკონტროლებელი წილი კონსოლიდირებული შვილობილი საწარმოების წმინდა აქტივებში, ბაფის წილისაგან განცალკევებით.

### 3. სააღრიცხვო პოლიტიკა

#### ამონაგები

ამონაგების შეფასება ხდება მიღებული ან მისაღები ანაზღაურების რეალური ღირებულებით. იგი არ მოიცავს გაცემულ ყველანაირ სავაჭრო ფასდათმობას, ასევე ვადაზე ადრე გადახდის და პარტიის მოცულობაზე დამოკიდებულ ფას დათმობებს. ამონაგებში ჩართულია მხოლოდ საკუთარი სახელით მიღებული ან მისაღები ეკონომიკური სარგებლის მთლიანი თანხა.

მომსახურების გაწევის ამონაგები აღიარდება მომსახურების ხელშეკრულების შესრულების სტადიის მიხედვით საანგარიშგებო პერიოდის ბოლოს, თუ შესაძლებელი იქნება მომსახურების გაწევის შედეგის საიმედოდ შეფასება. სხვა შემთხვევაში ამონაგები აღიარდება მხოლოდ უკვე აღიარებული ანაზღაურებადი ხარჯების ოდენობის ფარგლებში.

საქონლის გაყიდვის შედეგად მიღებული ამონაგების აღიარება ხდება მაშინ, როდესაც დაკმაყოფილებული იქნება ქვემოთ ჩამოთვლილი ყველა პირობა:

- ა) საწარმო მყიდველს გადასცემს საქონლის საკუთრებასთან დაკავშირებულ ყველა მნიშვნელოვან რისკსა და სარგებელს;

#### ხელმძღვანელობის სახელით:

ლავრენტი ჭუმბურიძე  
ადმინისტრაციული დირექტორი

ქეთევან აბესალაშვილი  
მთ. ბუღალტერი

2026 წლის 20 მაისი  
თბილისი, საქართველო

# ა(ა)იპ „საქართველოს პროფესიონალ ბუღალტერთა და აუდიტორთა ფედერაცია“ („ბაფი“)

## კონსოლიდირებული ახსნა განმარტებითი შენიშვნები ფინანსურ უწყისებზე

2025 წლის 31 დეკემბერს დასრულებული წლისათვის

(ქართულ ლარში)

ბ) საწარმო არ ინარჩუნებს უწყვეტ მენეჯერულ მონაწილეობას იმ დონით, რომელიც, ჩვეულებრივ, საკუთრების უფლებასთან ასოცირდება და არც გაყიდულ საქონელზე ეფექტურ კონტროლს არ ახორციელებს;

(გ) შესაძლებელია ამონაგების თანხის საიმედოდ შეფასება;

(დ) მოსალოდნელია, რომ საწარმო მიიღებს მოცემულ ოპერაციასთან დაკავშირებულ ეკონომიკურ სარგებელს; და

(ე) შესაძლებელია მოცემულ ოპერაციასთან დაკავშირებით უკვე გაწეული ან მომავალ პერიოდში გასაწევი დანახარჯების საიმედოდ შეფასება

### 3.2 ფინანსური ინსტრუმენტები

#### სავაჭრო მოთხოვნები

მომხმარებელზე მოკლევადიანი საკრედიტო პირობებით საქონლის/მომსახურების მიყიდვიდან წარმოქმნილი მოთხოვნა აღიარდება ამ პირისგან მისაღები ფულადი სახსრების არადისკონტირებული ღირებულებით, გაუფასურების (თანხის ამოღების შეუძლებლობა) გათვალისწინებით.

მომხმარებელზე ბიზნესის ჩვეულებრივი პირობებისგან განსხვავებული პირობებით უპროცენტო კრედიტით საქონლის/მომსახურების მიყიდვიდან წარმოქმნილი მოთხოვნა აღიარდება ამ საქონლის ნაღდი ანგარიშსწორებით გასაყიდი მიმდინარე ფასით და საანგარიშგებო პერიოდის ბოლოს ვასდება ამორტიზებული ღირებულებით, ეფექტური საპროცენტო განაკვეთის მეთოდით, გაუფასურების (თანხის ამოღების შეუძლებლობა) გათვალისწინებით.

#### სავაჭრო ვალდებულებები

მომწოდებლისგან მოკლევადიანი საკრედიტო პირობებით საქონლის/მომსახურების შექენიდან წარმოშობილი ვალდებულება აღიარდება მომწოდებლისთვის გადასახდელი დავალიანების არადისკონტირებული ღირებულებით.

#### ფინანსური აქტივის გაუფასურების ზარალის შეფასება

ფინანსური აქტივებისთვის, რომელიც შეფასებულია ამორტიზებული ღირებულებით გაუფასურების ზარალი არის სხვაობა აქტივის საბალანსო ღირებულებასა და შეფასებული მომავალი ფულადი ნაკადების დღევანდელ ღირებულებას შორის, რომელიც დისკონტირებულია აქტივის თავდაპირველი ეფექტური საპროცენტო განაკვეთით. როდესაც ფინანსურ აქტივს გააჩნია ცვალებადი საპროცენტო განაკვეთი, დისკონტირების განაკვეთი გაუფასურების ზარალის შეფასებისთვის გამოიყენება ხელშეკრულების მიხედვით განსაზღვრული მიმდინარე ეფექტური საპროცენტო განაკვეთი.

ფინანსური აქტივისთვის, რომელიც შეფასებულია თვითღირებულებიდან გაუფასურების ზარალის გამოკლების შედეგად მიღებული თანხით, გაუფასურების ზარალი არის სხვაობა აქტივის საბალანსო ღირებულებასა და იმ თანხის საუკეთესო შეფასებას (რომელიც აუცილებლად იქნება მიახლოებითი სიდიდე) შორის, რომელსაც საწარმო მიიღებდა მიმდინარე საანგარიშგებო პერიოდში აქტივის გაყიდვის შემთხვევაში.

#### ძირითადი საშუალებები

ძირითადი საშუალებების შეფასება ხდება მისი თვითღირებულებიდან დაგროვილი ცვეთისა და დაგროვილი გაუფასურების ზარალის გამოკლების შედეგად მიღებული თანხით.

ცვეთის თანხა გამომანგარიშებულაა წრფივი მეთოდის გამოყენებით. ძირითადი საშუალებების სასარგებლო მომსახურების ვადა განსაზღვრულია ინდივიდუალურად და იგი მერყეობს 2-დან 10 წლამდე. სააღრიცხვო ჯგუფების მიხედვით ცვეთის ნორმა შეადგენს:

შენობა-ნაგებობები	2- 5%
ოფისის აღჭურვილობა	20-30 %
ავეჯი და სხვა ინვენტარი	25-50 %
სატრანსპორტო საშუალებები	10-15 %

თუ არსებობს რაიმე ნიშანი იმისა, რომ ცვეთის ნორმა, აქტივის სასარგებლო მომსახურების ვადა, ან ნარჩენი ღირებულება მნიშვნელოვნად შეიცვალა, ახალი მოლოდინის ასახვის მიზნით, მოცემული აქტივის ცვეთა შესწორდება პერსპექტიულად.

#### ხელმძღვანელობის სახელით:

ლავრენტი ჭუმბურიძე  
ადმინისტრაციული დირექტორი

ქეთევან აბესალაშვილი  
მთ. ბუღალტერი

2026 წლის 20 მაისი  
თბილისი, საქართველო

# ა(ა)იპ „საქართველოს პროფესიონალ ბუღალტერთა და აუდიტორთა ფედერაცია“ („ბაფი“)

## კონსოლიდირებული ახსნა განმარტებითი შენიშვნები ფინანსურ უწყისებზე

### 2025 წლის 31 დეკემბერს დასრულებული წლისათვის

(ქართულ ლარში)

ძირითადი საშუალების აღიარების შეწყვეტის შედეგად წარმოქმნილი შემოსულობა ან ზარალი (სხვაობა ძირითადი საშუალების გასვლის შედეგად წარმოქმნილ წმინდა შემოსულობასა და მის საბალანსო ღირებულებას შორის) აღიარდება პერიოდის მოგებაში ან ზარალში და კლასიფიცირდება შემოსულობის ან ზარალის სახით.

### არამატერიალური აქტივები

არამატერიალური აქტივის შეფასება ხდება თვითღირებულებით, დაგროვილი ამორტიზაციისა და დაგროვილი გაუფასურების ზარალის გამოკლებით.

არამატერიალურ აქტივებს, ცვეთადი ღირებულების სისტემატურ საფუძველზე განაწილების მიზნით, სასარგებლო მომსახურების ვადის განმავლობაში ერიცხებათ ამორტიზაცია წრფივი მეთოდით. ამორტიზაციის დასარიცხად გამოიყენება წლიური განაკვეთი 15 პროცენტი.

თუ არსებობს არამატერიალური აქტივის ნარჩენი ღირებულების ან მისი სასარგებლო მომსახურების ვადის შეცვლის რაიმე ნიშნები, აქტივის ნარჩენი ღირებულების, ამორტიზაციის მეთოდის ან სასარგებლო მომსახურების ვადის ცვლილება შესწორდება პერსპექტიულად.

### გუდვილი

საწარმოთა გაერთიანებისას შექმნილი გუდვილი აისახება თვითღირებულებიდან დაგროვილი ამორტიზაციისა და დაგროვილი გაუფასურების ზარალის გამოკლების შედეგად მიღებული თანხით. გუდვილის ღირებულების სისტემატურ საფუძველზე განაწილების მიზნით, სასარგებლო მომსახურების ვადის განმავლობაში ერიცხებათ ამორტიზაცია წრფივი მეთოდით, შეფასებულ სასარგებლო მომსახურების ვადაზე 10 წელზე.

### მარაგი

მარაგის შეფასება ხდება თვითღირებულებასა და შეფასებით გასაყიდ ფასს შორის უმცირესი თანხით, რომელსაც გამოკლებული აქვს პროდუქციის დასრულებისა და გაყიდვისთვის საჭირო დანახარჯები.

მარაგის ღირებულების შემცირების თანხა წარმოადგენს გაუფასურების ზარალს და დაუყოვნებლივ აღიარდება მოგებაში ან ზარალში. მომდევნო საანგარიშგებო თარიღისთვის მარაგის შეფასების დროს თუ მარაგის დასრულებისა და გაყიდვისთვის საჭირო დანახარჯებით შემცირებული გასაყიდი ფასი გაიზრდება, მოხდება გაუფასურების თანხის აღდგენა (უკუგატარებით) იმგვარად, რომ ახალი საბალანსო ღირებულება იყოს უმცირესი, თვითღირებულებასა და მისი დასრულებისა და გაყიდვისთვის საჭირო დანახარჯებით შემცირებულ, შესწორებულ გასაყიდ ფასს შორის.

როდესაც მარაგი გაიყიდება, მისი საბალანსო ღირებულება აღიარდება იმ პერიოდის ხარჯად, როდესაც მიღებულ იქნა შესაბამისი ამონაგები.

გახარჯული მარაგის თვითღირებულების განსაზღვრისთვის გამოიყენება FiFo ფორმულა.

### იჯარა

იჯარა კლასიფიცირდება ფინანსურ იჯარად, თუ იგი ითვალისწინებს აქტივის საკუთრებასთან დაკავშირებული ფაქტობრივად ყველა რისკისა და ეკონომიკური სარგებლის გადაცემას საწარმოსათვის. ყველა სხვა იჯარა კლასიფიცირდება ჩვეულებრივ (საოპერაციო) იჯარად. ჩვეულებრივი იჯარის ფარგლებში გადასახდელი საიჯარო გადასახდელები აისახება მოგებაში, ან ზარალში წრფივი მეთოდით, შესაბამისი იჯარის ვადის განმავლობაში.

### აქტივების გაუფასურება

ყოველი საანგარიშგებო თარიღისათვის ტარდება ძირითადი საშუალებების და არამატერიალური აქტივების განხილვა, რათა დადგინდეს, არსებობს თუ არა რაიმე ნიშანი იმისა, რომ აღნიშნული აქტივები გაუფასურებულია. იმ შემთხვევაში, თუ არსებობს შესაძლო გაუფასურების ნიშანი, შეფასდება ნებისმიერი აქტივის (ან დაკავშირებულ აქტივთა ჯგუფის) ანაზღაურებადი ღირებულება და შეუდარდება მის საბალანსო ღირებულებას. თუ შეფასებული ანაზღაურებადი ღირებულება ნაკლებია, საბალანსო ღირებულება შემცირდება მის ანაზღაურებად ღირებულებამდე, ხოლო გაუფასურების ზარალი დაუყოვნებლივ აღიარდება მოგებაში ან ზარალში.

იმ შემთხვევაში, თუ შემდგომში მოხდება გაუფასურების ზარალის აღდგენა/კომპენსირება, აქტივის (ან მსგავსი აქტივების ჯგუფის) საბალანსო ღირებულება გაიზრდება აქტივის ანაზღაურებადი ღირებულების (მარაგის შემთხვევაში პროდუქციის დასრულებისა და

### ხელმძღვანელობის სახელით:

ლავრენტი ჭუმბურიძე  
ადმინისტრაციული დირექტორი

ქეთევან აბესალაშვილი  
მთ. ბუღალტერი

2026 წლის 20 მაისი  
თბილისი, საქართველო

## ა(ა)იპ „საქართველოს პროფესიონალ ბუღალტერთა და აუდიტორთა ფედერაცია“ („ბაფი“)

კონსოლიდირებული ახსნა განმარტებითი შენიშვნები ფინანსურ უწყისებზე

2025 წლის 31 დეკემბერს დასრულებული წლისათვის

(ქართულ ლარში)

გაყიდვისთვის საჭირო დანახარჯებით შემცირებული სარეალიზაციო ფასის) შესწორებულ შეფასებულ სიდიდემდე, მაგრამ არ გაიზარდება იმ თანხაზე მეტად, რომელიც განისაზღვრებოდა იმ შემთხვევაში, თუ წინა წლებში არ მოხდებოდა აქტივის (ან მსგავსი აქტივების ჯგუფის) გაუფასურების ზარალის აღიარება. გაუფასურების ზარალის აღდგენის (კომპენსირების) თანხა დაუყოვნებლივ აღიარდება მოგებაში ან ზარალში.

### დაქირავებულ პირთა მოკლევადიანი გასამრჯელოები

დაქირავებულ პირთა ყველა სახის მოკლევადიან გასამრჯელოსთან დაკავშირებული დანახარჯი, რომლის მიღების უფლებაც დაქირავებულმა პირებმა მოიპოვეს საანგარიშგებო პერიოდში გაწეული მომსახურების სანაცვლოდ, აღიარდება როგორც ვალდებულება და როგორც ხარჯი.

საანგარიშგებო პერიოდის განმავლობაში, საწარმოს მიერ მოკლევადიანი გასამრჯელოს სახით აღიარებული თანხები ფასდება დაქირავებული პირის იმ მოკლევადიანი გასამრჯელოების არადისკონტირებული სიდიდით, რომელიც გადასახდელია დაქირავებულის მიერ გაწეული ზემოაღნიშნული მომსახურების სანაცვლოდ.

დაგროვებადი ანაზღაურებადი შვებულებების მოსალოდნელი ღირებულება ფასდება, როგორც არადისკონტირებული დამატებითი თანხა, რომლის გადახდასაც საწარმო ვარაუდობს იმ გამოუყენებელი უფლებისათვის, რომელიც დაგროვდა საანგარიშგებო პერიოდის ბოლოსთვის.

### გრანტები

მიზნობრივად გამოყოფილი თანხები აღიარდება შემოსავლის სახით, სისტემატურ საფუძველზე, იმ პერიოდებში, რომელშიც საწარმო ხარჯად აღიარებს დანახარჯებს, რომელთა დაფინანსებაც გამოყოფილი თანხებით ხდება. ფინანსური მდგომარეობის ანგარიშგებაში გრანტები წარდგენილია გადავადებული შემოსავლის სახით გარკვეული აქტივის გარკვეული ნომინალური ღირებულებით, ან გრანტის გამოქვითვით „შესაბამისი აქტივის საბალანსო ღირებულების მისაღებად“.

### ოპერაციები უცხოურ ვალუტაში

უცხოური ვალუტით წარმოებული ოპერაციები თავდაპირველი აღიარებისას აისახება სამუშაო ვალუტით, რისთვისაც უცხოურ ვალუტაში გამოსახული თანხის მიმართ გამოიყენება უცხოური ვალუტის სამუშაო ვალუტაზე გასაცვლელი სპოტ სავალუტო კურსი, ოპერაციის თარიღისათვის.

ყოველი საანგარიშგებო პერიოდის ბოლოს, უცხოური ვალუტით შეფასებული ფულადი მუხლები ფასდება საბოლოო სავალუტო კურსის გამოყენებით.

საკურსო სხვაობები, რომლებიც წარმოიშობა ფულადი მუხლების საბოლოო ანგარიშსწორების ან ფულადი მუხლების გადაყვანის დროს ისეთი სავალუტო კურსით, რომელიც განსხვავდება მოცემულ პერიოდში ან წინა პერიოდების ფინანსურ ანგარიშგებაში თავდაპირველი აღიარების დროს გადასაყვანად გამოყენებული სავალუტო კურსისაგან, აღიარდება მოგებაში ან ზარალში იმ საანგარიშგებო პერიოდში, როდესაც წარმოიშობა.

### მოგების გადასახადი

მიმდინარე საგადასახადო ვალდებულება (აქტივი) ფასდება იმ თანხით, რომლის გადახდა (ანაზღაურება) მოსალოდნელია საანგარიშგებო თარიღისთვის ძალაში შესული საქართველოს საგადასახადო კოდექსით (სსკ) განსაზღვრული საგადასახადო განაკვეთისა და ბეგრის პრინციპების გათვალისწინებით.

სსკ-ის მიხედვით საწარმოსათვის მოგების გადასახადით დაბეგრის ობიექტია: განაწილებული მოგება; გაწეული ხარჯი ან სხვა გადახდა, რომელიც ეკონომიკურ საქმიანობასთან დაკავშირებული არ არის; უსასყიდლოდ საქონლის მიწოდება/მომსახურების გაწევა ან/და ფულადი სახსრების გადაცემა; კოდექსით დადგენილ ზღვრულ ოდენობაზე მეტი ოდენობით გაწეული წარმომადგენლობითი ხარჯი.

მოგების გადასახადით დაბეგრის ობიექტი, დივიდენდის სახით განაწილებული მოგების გარდა, იბეგრება დაბეგრის ობიექტის წარმოშობისთანავე და საგადასახადო ვალდებულება აღიარდება ყოველი საანგარიშგებო თვის ბოლოს. საწარმოს მიერ მის პარტნიორზე დივიდენდის სახით გასანაწილებელ დივიდენდთან დაკავშირებული მიმდინარე საგადასახადო ვალდებულება ფასდება გაუნაწილებელი მოგების მიმართ გამოსაყენებელი საგადასახადო განაკვეთით მანამ, სანამ საწარმო აღიარებს დივიდენდების გადახდის ვალდებულებას.

### ხელმძღვანელობის სახელით:

ლავრენტი ჭუმბურიძე  
აღმასრულებელი დირექტორი

ქეთევან აბესალაშვილი  
მთ. ბუღალტერი

2026 წლის 20 მაისი  
თბილისი, საქართველო

**ა(ა)იპ „საქართველოს პროფესიონალ ბუღალტერთა და აუდიტორთა ფედერაცია“ („ბაფი“)**

**კონსოლიდირებული ახსნა განმარტებითი შენიშვნები ფინანსურ უწყისებზე**

**2025 წლის 31 დეკემბერს დასრულებული წლისათვის**

(ქართულ ლარში)

**4. ძირითადი დაშვებები და განუსაზღვრელობის შესაფასებლად გამოყენებული ძირითადი წყაროები**

**ძირითადი საშუალებების სასარგებლო მომსახურების ვადა**

საწარმო აკვირდება ისეთ ფაქტორებს, როგორცაა ცვლილება აქტივის გამოყენების წესში, მნიშვნელოვანი გაუთვალისწინებელი ფიზიკური ცვეთა, ტექნოლოგიური მიღწევები და საბაზრო ფასების ცვლილებები, რომელიც შეიძლება მიანიშნებდეს, რომ აქტივის ნარჩენი ღირებულება ან მისი სასარგებლო მომსახურების ვადა შეიცვალა უკანასკნელი საანგარიშგებო თარიღის შემდეგ. თუ არსებობს რაიმე მსგავსი ნიშნები, საწარმო გადახედავს წინა შეფასებებს და თუ ახლანდელი შეფასებები მნიშვნელოვნად განსხვავდება წინა შეფასებებისგან, შეცვლის აქტივის ნარჩენი ღირებულებას, ცვეთის მეთოდს ან სასარგებლო მომსახურების ვადას. საწარმომ აქტივის ნარჩენი ღირებულების, ცვეთის მეთოდის ან სასარგებლო მომსახურების ვადის ცვლილება ასახავს, როგორც სააღრიცხვო შეფასების ცვლილებას.

კომპანიის სააღრიცხვო პოლიტიკის (შენიშვნა 4) გამოყენებისას ხელმძღვანელობას მოეთხოვება მსჯელობის, შეფასებებისა და დაშვებების გამოყენება იმ აქტივებისა და ვალდებულებების მიმართ, რომელთა ღირებულება გარკვევით ვერ მიიღება სხვა წყაროებიდან. შეფასებები და დაკავშირებული დაშვებები ემყარება წარსულ გამოცდილებას და სხვა შესაფერის ფაქტორებს.

ფაქტობრივი შედეგები შესაძლოა განსხვავდებოდეს მიმდინარე შეფასებისაგან. შეფასებები პერიოდულად გადაიხედება. კორექტირებები, რამაც სააღრიცხვო შეფასებების ცვლილებები გამოიწვია, მიეკუთვნება იმ პერიოდის ფინანსურ შედეგებს, როცა ეს ცვლილებები გატარდა.

განუსაზღვრელობის შეფასების ძირითადი წყაროებია:

**სასარგებლო მომსახურების ვადები**

ძირითადი საშუალებების სასარგებლო მომსახურების ვადის განსაზღვრა ხელმძღვანელობის მსჯელობის საკითხია, მსგავს აქტივებთან დაკავშირებით მათ გამოცდილებაზე დაყრდნობით. აქტივის სასარგებლო მომსახურების ვადის განსაზღვრისას ხელმძღვანელობა ითვალისწინებს მოსალოდნელ მოხმარებას, ტექნიკური მოძველების შეფასებას, ფიზიკურ ცვეთასა და იმ ფიზიკურ გარემოს, სადაც იყენებენ ამ აქტივს. ამ გარემოებების ან შეფასებების ცვლილებამ შეიძლება განაპირობოს სამომავლო ცვეთის განაკვეთების შესწორება.

**მოთხოვნების გაუფასურების რეზერვი**

კომპანია ქმნის საეჭვო მოთხოვნების გაუფასურების რეზერვს, რათა აღრიცხოს მომხმარებლების მიერ გადახდების განხორციელების უუნარობის შედეგად მიღებული შეფასებული ზარალი. საეჭვო ვალების რეზერვების ადეკვატურობის შეფასებისას ხელმძღვანელობა თავისი შეფასების საფუძველად იყენებს საერთო ეკონომიკურ მდგომარეობას, დებიტორული დავალიანებების ნაშთების ხანდაზმულობას, წარსულში ჩამოწერის გამოცდილებას, მომხმარებლის კრედიტუნარიანობას და გადახდის პირობების ცვლილებებს.

**5. ამონაგები**

	2025 წელი	2024 წელი
მომსახურების გაწევა	843,616	779,047
საქონლის გაყიდვა	114,050	109,930
სხვა საოპერაციო შემოსავალი	109,719	107,030
<b>სულ ამონაგები</b>	<b>1,067,385</b>	<b>996,007</b>

რეალიზაცია მოიცავს, როგორც საქონლის ისე საკუთარი წარმოების პროდუქციის რეალიზაციიდან ამონაგებს. სასწავლო პროცესის შემოსავლებში გაერთიანებულია ბაფისა და შპს პროფესიონალ ბუღალტერთა ინსტიტუტის საგანმანათლებლო პროგრამებით გათვალისწინებული ყველა ტიპის ტრენინგებიდან და გამოცდებიდან მიღებული ამონაგები.

**ხელმძღვანელობის სახელით:**

ლავრენტი ჭუმბურიძე  
ადმინისტრაციული დირექტორი

ქეთევან აბესალაშვილი  
მთ. ბუღალტერი

2026 წლის 20 მაისი  
თბილისი, საქართველო

ა(ა)იპ „საქართველოს პროფესიონალ ბუღალტერთა და აუდიტორთა ფედერაცია“ („ბაფი“)

კონსოლიდირებული ახსნა განმარტებითი შენიშვნები ფინანსურ უწყისებზე

2025 წლის 31 დეკემბერს დასრულებული წლისათვის

(ქართულ ლარში)

**6. სხვა შემოსავლები**

	2025 წელი	2024 წელი
კორპორაციული წევრების საწევრო	210,573	112,233
ფიზიკური პირების საწევრო	122,074	190,623
საპროცენტო შემოსავალი	77,675	69,818
სხვა შემოსავალი	21,121	1,387
გაწევრიანების საფასური	7,280	8,640
საკურსო სხვაობა	898	3,208
გრანტის შემოსავლად არღიარების ნაწილი	534	255,690
<b>სულ სხვა შემოსავალი</b>	<b>440,155</b>	<b>641,599</b>

**7. სხვა ხარჯები**

	2025 წელი	2024 წელი
შემნილი მომსახურება	289,363	259,015
ჩამოწერილი საწევროები	81,519	-
წარმომადგენლობითი ხარჯი	23,572	7,745
საგადასახადო ხარჯი	16,097	6,250
გადახდილი საწევროები	13,746	13,447
მივლინების ხარჯი	11,361	-
წევრთა ყრილობის ხარჯი	11,257	3,962
ბუღალტერთა საერთაშორისო ასოციაციის მომსახურება	10,426	-
ქველმოქმედება და დახმარება	2,540	1,250
სტიპენდია	2,500	-
საკურსო სხვაობის ხარჯი	2,070	1,849
სხვა ხარჯი	459	5,630
ჩამოწერილი ძირ.საშუალებების საბალანსო ღირებულება	39	-
გრანტის ფარგლებში ბენეფიციარის ხარჯი	-	255,220
<b>სულ სხვა ხარჯები</b>	<b>464,949</b>	<b>554,368</b>

ხელმძღვანელობის სახელით:

ლავრენტი ჭუმბურიძე  
ადმსრულებელი დირექტორი

ქეთევან აბესალაშვილი  
მთ. ბუღალტერი

2026 წლის 20 მაისი  
თბილისი, საქართველო

ა(ა)იპ „საქართველოს პროფესიონალ ბუღალტერთა და აუდიტორთა ფედერაცია“ („ბაფი“)  
 კონსოლიდირებული ახსნა განმარტებითი შენიშვნები ფინანსურ უწყისებზე  
 2025 წლის 31 დეკემბერს დასრულებული წლისათვის  
 (ქართულ ლარში)

**8. ძირითადი საშუალებები**

ობიექტის დასახელება	ნაშთი 31.12.2025	შემოსვლა	გასვლა	ნაშთი 31.12.2024
შენობა -ნაგებობები	662,887			662,887
ოფისის აღჭურვილობა	138,204	7,385	(12,397)	143,216
ავეჯი და ინვენტარი	121,444	296	(1,833)	122,981
სატრანსპორტო საშუალება	105,775			105,775
ბიბლიოთეკა	782			782
<b>ჯამი</b>	<b>1,029,091</b>	<b>7,681</b>	<b>(14,230)</b>	<b>1,035,640</b>

  

ცვეთა	ნაშთი 31.12.2025	ცვეთის დარიცხვა	ცვეთის ჩამოწერა	ნაშთი 31.12.2024
შენობა-ნაგებობა	140,337	8,244		132,093
ოფისის აღჭურვილობა	110,898	8,725	(12,369)	114,542
ავეჯი და სხვა ინვენტარი	110,436	2,916	(1,822)	109,342
სატრანსპორტო საშუალება	81,375	10,500		70,875
<b>ჯამი</b>	<b>443,046</b>	<b>30,385</b>	<b>(14,191)</b>	<b>426,852</b>

  

<b>საბალანსო ღირებულება</b>	<b>586,045</b>			<b>608,788</b>
-----------------------------	----------------	--	--	----------------

ძირითადი საშუალებების პირვანდელი ღირებულება არის აქტივის შესაძენად მისი შეძენის მომენტში გადახდილი (გადასახდელი)

(ა) მისი ნასყიდობის ფასი, მათ შორის, იურიდიული და საბროკერო მომსახურების ღირებულება, საიმპორტო საბაჟო გადასახადები და შესყიდვის დაუბრუნებადი გადასახადები, ყოველგვარი სავაჭრო ფასდათმობებისა და შეღავათების გარეშე;

(ბ) ნებისმიერი დანახარჯი, რომელიც პირდაპირ დაკავშირებულია აქტივის დანიშნულების ადგილამდე მიტანასა და სამუშაო მდგომარეობაში მოყვანასთან;

(გ) აქტივის დემონტაჟის, ლიკვიდაციისა და ადგილმდებარეობის აღდგენის დანახარჯების თავდაპირველი შეფასება, რის ვალ-დებულებაც საწარმომ აიღო შეძენის მომენტში, ან შემდეგში.

ვინაიდან მოსალოდნელია გაყიდვის შედეგად მიღებული შემოსულობა გადააჭარბებს აქტივისა და მასთან დაკავშირებული ვალდებულების წმინდა საბალანსო ღირებულებას, არ მომხდარა გაუფასურების ზარალის აღიარება.

**ხელმძღვანელობის სახელით:**

ლავრენტი ჭუმბურიძე  
 აღმასრულებელი დირექტორი

ქეთევან აბესალაშვილი  
 მთ. ბუღალტერი

2026 წლის 20 მაისი  
 თბილისი, საქართველო

ა(ა)იპ „საქართველოს პროფესიონალ ბუღალტერთა და აუდიტორთა ფედერაცია“ („ბაფი“)  
 კონსოლიდირებული ახსნა განმარტებითი შენიშვნები ფინანსურ უწყისებზე  
 2025 წლის 31 დეკემბერს დასრულებული წლისათვის  
 (ქართულ ლარში)

**9. არამატერიალური აქტივები**

ობიექტის დასახელება	ნაშთი 31.12.2025	შემოსვლა	გასვლა	ნაშთი 31.12.2024
<b>შემენის ღირებულება</b>				
საბუღალტრო პროგრამა ორისი	3,860	-	-	3,860
პროგრამა ICS	2,225	-	-	2,225
ლიცენზია Strados Studio	5,467	-	-	5,467
სასწავლო მართვის სისტემა	2,225	-	-	2,225
წევრების აღრიცხვის სისტემა	27,500	-	-	27,500
ვებ გვერდი pbi.ge	6,380	6,380	-	-
<b>ჯამი</b>	<b>47,657</b>	<b>6,380</b>	<b>-</b>	<b>41,277</b>
<b>ამორტიზაცია</b>				
	<b>ნაშთი 31.12.2025</b>	<b>ცვეთის დარიცხვა</b>	<b>ცვეთის ჩამოწერა</b>	<b>ნაშთი 31.12.2024</b>
საბუღალტრო პროგრამა ორისი	3454	417	-	3,037
პროგრამა ICS	2339	-	-	2,339
ლიცენზია Strados Studio	5396	459	-	4,937
სასწავლო მართვის სისტემა	9042	3,464	-	5,578
ვებ გვერდი pbi.ge	213	213	-	-
<b>ჯამი</b>	<b>20,444</b>	<b>4,553</b>	<b>-</b>	<b>15,891</b>
<b>საბალანსო ღირებულება</b>	<b>27,213</b>	<b>-</b>	<b>-</b>	<b>25,386</b>

არამატერიალური აქტივების ცვეთა დარიცხულია წრფივი მეთოდით, აქტივები ბალანსში ასახულია თვითღირებულებიდან აკუმულირებული ცვეთის თანხის გამოკლებით.

**10. მარაგი**

	2025 წლის 31 დეკემბერი	2024 წლის 31 დეკემბერი
მზა პროდუქცია, წიგნები	106,929	45,441
სხვა მარაგი	3,303	29,400
საქონელი, აუდიტის სტანდარტები	678	4,342
<b>სულ მარაგები</b>	<b>110,910</b>	<b>79,183</b>

საქონლის ნაშთის შემადგენლობაში გაერთიანებულია ბაფში შემოწირულობის სახით მიღებული წიგნები და საბუღალტრო კომპიუტერული პროგრამა “ორისი”. მზა პროდუქციის ნაშთში - ფინანსური ანგარიშგების საერთაშორისო სტანდარტები, ხარისხის კონტროლისა და აუდიტის სტანდარტები და ACCA სახელმძღვანელოები. სხვა მარაგში –წიგნების თარგმნისა და გამოცემის უფლების, ბაფისა და შპს პროფესიონალ ბუღალტერთა ინსტიტუტის საკანცელარიო ნივთებისა და საწვავის ნაშთი.

**11. სავაჭრო და სხვა მოთხოვნები**

	2025 წლის 31 დეკემბერი	2024 წლის 31 დეკემბერი
მოთხოვნები წევრებთან	271,788	296,486
მოთხოვნები მიწოდებიდან და მომსახ.	31,179	35,130
გაუფასურების ზარალის თანხა	(34,550)	(35,722)
<b>სავაჭრო დებიტორების საბალანსო ღირებულება</b>	<b>268,417</b>	<b>295,894</b>

ხელმძღვანელობის სახელით:

ლავრენტი ჭუმბურიძე  
 აღმასრულებელი დირექტორი

ქეთევან აბესალაშვილი  
 მთ. ბუღალტერი

2026 წლის 20 მაისი  
 თბილისი, საქართველო

ა(ა)იპ „საქართველოს პროფესიონალ ბუღალტერთა და აუდიტორთა ფედერაცია“ („ბაფი“)

კონსოლიდირებული ახსნა განმარტებითი შენიშვნები ფინანსურ უწყისებზე

2025 წლის 31 დეკემბერს დასრულებული წლისათვის

(ქართულ ლარში)

საგადასახადო მოთხოვნები	27,377	34,347
მოთხოვნები პერსონალთან	-	37
წინასწარი გადახდები	1,811	16,202
<b>სულ მოთხოვნები</b>	<b>297,605</b>	<b>346,480</b>

12. ფულადი სახსრები და ფულადი სახსრების ეკვივალენტები

	2025 წლის 31 დეკემბერი	2024 წლის 31 დეკემბერი
ფულადი სახსრები სალარაოში	184	38
ფულადი სახსრები ბანკის მიმდინარე ანგარიშებზე	97,238	110,813
მოკლევადიანი ანაბარი ბანკში	869,324	854,234
<b>სულ ფულადი სახსრები და ფულადი სახსრების ეკვივალენტები</b>	<b>966,746</b>	<b>965,085</b>

მოკლევადიანი ანაბარს ბანკში არ აქვს არანაირი შეზღუდვა, ბაფს ნებისმიერ დროს შეუძლია როგორც გაზარდოს ისე შეამციროს ანაბრის ოდენობა

13. სავაჭრო და სხვა ვალდებულებები

	2025 წლის 31 დეკემბერი	2024 წლის 31 დეკემბერი
სავაჭრო ვალდებულებები	10,000	13,319
წინასწარ მიღებული თანხები	163,539	207,412
სხვა	8,512	11,365
<b>ჯამი</b>	<b>182,051</b>	<b>232,096</b>

სავაჭრო ვალდებულებებში შეტანილი ჩვეულებრივი იჯარის ვალდებულება საწარმოს ჩვეულებრივი იჯარით აღებული აქვს საოფისე ფართი, დარჩენილი 5 წლის ვადით. საიჯარო გადასახდელების გადახდა ხდება ფიქსირებული თანხით. ხარჯად აღიარებული საიჯარო გადასახდელები შეადგენს:

	2025 წ.	2024 წ.
საიჯარო ქირა	78,800	78,800
წლის ბოლოს საწარმოს გააჩნია შეუქცევადი ჩვეულებრივი იჯარის მომავალი მინიმალური საიჯარო გადასახდელების შემდეგი ვალდებულებები:		
არა უგვიანეს ერთი წლისა	78,800	78,800
ერთი წლის შემდეგ და არა უგვიანეს ხუთი წლისა	315,200	315,200
ხუთი წლის შემდეგ		
<b>ჯამი</b>	<b>394,000</b>	<b>394,000</b>

14. საწარმოთა გაერთიანება გუდვილი

შპს ჟურნალი „ბუღალტრული აღრიცხვა- ანგარიშგება“-ს შესყიდვა:

2020 წლის 29 იანვარს მასის კომპანიამ შეისყიდა შპს ჟურნალი „ბუღალტრული აღრიცხვა- ანგარიშგება“-ს 100%-იანი წილი. ჟურნალი „ბუღალტრული აღრიცხვა- ანგარიშგება“ დაფუძნდა 1997 წლის 18 სექტემბერს, რომლის ძირითადი საქმიანობაა ყოველთვიური ჟურნალის „ბუღალტრული აღრიცხვა“-ს გამოშვება, ჟურნალში რეკლამის განთავსება. ჟურნალის აგრეგირებული ამოცნობადი აქტივებისა და ვალდებულებების პირობითი სამართლიანი ღირებულებები შესყიდვის თარიღისთვის იყო:

ხელმძღვანელობის სახელით:

ლავრენტი ჭუმბურიძე  
აღმასრულებელი დირექტორი

ქეთევან აბესალაშვილი  
მთ. ბუღალტერი

2026 წლის 20 მაისი  
თბილისი, საქართველო

ა(ა)იპ „საქართველოს პროფესიონალ ბუღალტერთა და აუდიტორთა ფედერაცია“ („ბაფი“)  
 კონსოლიდირებული ახსნა განმარტებითი შენიშვნები ფინანსურ უწყისებზე  
 2025 წლის 31 დეკემბერს დასრულებული წლისათვის  
 (ქართულ ლარში)

შემენისას აღიარებული სამართლიანი  
 ღირებულება

<b>მიმდინარე აქტივები</b>	
მარაგები	15,605
სავაჭრო და სხვა მოთხოვნები	763
ფულადი სახსრები და ექვივალენტები	1,679
სხვა მიმდინარე აქტივები	-
<b>სულ მიმდინარე აქტივები</b>	<b>18,046</b>
<b>სულ აქტივები:</b>	<b>18,046</b>
<b>მოკლევადიანი ვალდებულებები</b>	
სავაჭრო და სხვა ვალდებულებები	17,506
მიმდინარე სასესხო ვალდებულებები	-
საგადასახადო ვალდებულებები	139
<b>სულ მოკლევადიანი ვალდებულებები</b>	<b>17,645</b>
<b>სულ ვალდებულებები</b>	<b>17,645</b>
<b>შემენილი წმინდა აქტივების რეალური ღირებულება</b>	<b>401</b>
<b>თარიღისათვის წმინდა აქტივების რეალურ ღირებულებაში 100%</b>	<b>321</b>
გადაცემული კომპენსაცია	6,000
<b>გუდვილი</b>	<b>5,679</b>

ამ შესყიდვით კომპანია თავის ბიზნესს აფართოებს, რადგან ხედავს ახალ შესაძლებლობებს და ღირებულების შექმნის პერსპექტივას საქართველოს ეკონომიკის ამ სექტორში. ჯგუფს მიაჩნია, რომ თავისი ამ სექტორს საოპერაციო ფულადი ნაკადების გაზრდის შესაძლებლობა აქვს. ხელმძღვანელობის აზრით, ეს შესყიდვა დადებით გავლენას მოახდენს ჯგუფის ღირებულებაზე.

ძირითადი ფაქტორი, რამაც წვლილი შეიტანა საწარმოთა გაერთიანების ღირებულებაში, რის შედეგადაც მოხდა გუდვილის აღიარება შემენის დროს, არის ჯგუფის ოპერაციებზე ასახული სინერგია.

საზღაური 6000 ლარს შეადგენდა უნაღლო ანგარიშსწორებით, რომელიც სრულად იყო გადახდილი საანგარიშგებო თარიღისთვის. შემენის შემდეგ, მფლობელობის სტრუქტურაში ცვლილება არ მომხდარა.

**გუდვილი საანგარიშგებო პერიოდის დასაწყისისა და ბოლოსთვის:**

	2025 წლის 31 დეკემბერი	2024 წლის 31 დეკემბერი
საწარმოთა გაერთიანების შედეგად შემენილი ამორტიზაცია	3,407 (568)	3,975 (568)
<b>ჯამი</b>	<b>2,840</b>	<b>3,407</b>

**15. დაკავშირებულ მხარეთა ოპერაციები**

დაკავშირებული მხარეები ან ოპერაციები დაკავშირებულ მხარეებთან წარმოადგენს:

(ა) მხარეებს, რომლებიც პირდაპირ ან არაპირდაპირ ერთი ან რამდენიმე შუამავლით აკონტროლებენ, კონტროლდებიან ან არიან ერთობლივი კონტროლის ქვეშ კომპანიასთან (მათ შორის, დამფუძნებელ კომპანიასა და ფილიალებთან), ფლობენ წილს კომპანიაში, რაც მნიშვნელოვანი გავლენის მიზეზია და ფლობენ საერთო კონტროლს კომპანიაზე;

(ბ) კომპანიის ან მისი მშობელი საწარმოს ძირითად მმართველ პერსონალს;

**ხელმძღვანელობის სახელით:**

ლავრენტი ჭუმბურიძე  
 აღმასრულებელი დირექტორი

ქეთევან ახესალაშვილი  
 მთ. ბუღალტერი

2026 წლის 20 მაისი  
 თბილისი, საქართველო

**ა(ა)იპ „საქართველოს პროფესიონალ ბუღალტერთა და აუდიტორთა ფედერაცია“ („ბაფი“)**

კონსოლიდირებული ახსნა განმარტებითი შენიშვნები ფინანსურ უწყისებზე

2025 წლის 31 დეკემბერს დასრულებული წლისათვის

(ქართულ ლარში)

(გ) ან (ბ) პუნქტში ჩამოთვლილთა ოჯახის წევრებს;

(დ) მხარეებს, რომლებიც წარმოადგენენ (გ) ან (ბ) პუნქტში ჩამოთვლილი პირების მიერ კონტროლირებად ან ერთობლივად კონტროლირებად საწარმოებს, ან ამ პირებს მნიშვნელოვანი გავლენა აქვთ მათზე, ან ასეთ საწარმოში ხმის მიცემის უფლება პირდაპირ ან არაპირდაპირ ამ პირების ხელშია.

საწარმო დაკავშირებულ მხარეებად განიხილავს:

შვილობილ საწარმოებს - შპს ჟურნალი „ბუღალტრული აღრიცხვა- ანგარიშგება“ და „პროფესიონალ ბუღალტერთა ინსტიტუტი“,

საბოლოო მაკონტროლებელი მხარე - ბაფი

საწარმოებს, რომელთაც ერთობლივად აკონტროლებს ბაფის უმაღლესი რანგის ხელმძღვანელი. - შპს „კონსაუდი“ და შპს „ბუღალტერთა მომზადების ცენტრი“

	2025 წლის 31 დეკემბერი	2025 წლის 31 დეკემბერი
<b>მიწოდების ოპერაციები მნიშვნელოვანი გავლენის ქვეშ მყოფ საწარმოებთან:</b>		
ოფისის იჯარა	10,170	10,170
<b>დაუფარავი ნაშთების თანხა:</b>		
სავაჭრო მოთხოვნები	1,000	1,000
<b>სულ მოთხოვნები</b>	<b>1000</b>	<b>1,000</b>

	2025 წლის 31 დეკემბერი	2024 წლის 31 დეკემბერი
<b>შესყიდვის ოპერაციები მნიშვნელოვანი გავლენის ქვეშ მყოფ საწარმოებთან:</b>		
აუდიტორების იჯარა სერტიფიცირებისთვის	11,016	11,864
ოფისის იჯარა	68,135	68,135
<b>დაუფარავი ნაშთების თანხა:</b>		
სავაჭრო ვალდებულებები	6,700	6,700
<b>სულ ვალდებულებები</b>	<b>6,700</b>	<b>6,700</b>

უმაღლესი რანგის ხელმძღვანელი პირების ანაზღაურების (კომპენსაციის) მთლიანი თანხა	158,863	164,260
--	---------	---------

**16. საანგარიშგებო პერიოდის შემდეგი მოვლენები**

საანგარიშგებო პერიოდის შემდეგ არ მომხდარა ისეთი მოვლენა რაც საჭიროებს გამჟღავნებას.

**17. ფინანსური ანგარიშგების დამტკიცება**

აუდიტირებული კონსოლიდირებული ფინანსური ანგარიშგება გამოსაქვეყნებლად ხელმოწერილია 2026 წლის 20 მაისი.

**ხელმძღვანელობის სახელით:**

ლავრენტი ჭუმბურიძე  
აღმასრულებელი დირექტორი

ქეთევან აბესალაშვილი  
მთ. ბუღალტერი

2026 წლის 20 მაისი  
თბილისი, საქართველო